

من المهد صيحات لحسين ولوال
امي اتأملني و تبجي على حسين

دلوني درب الموت ما ظلت آمال
قالت لي انذبحت في كربلا اطفل

طف كربلا ولهوال
تبجي على حسين

توصف لي بأي حال
تجري الدمع همال

واجب عليك تنوح لمصيبة الآل
لازم ينور العين تبجي على حسين

يبني اجذب الونة ومهما الزمن طال
وبدمعتك لحسين مقبولة الاعمال

وراسه برمح ينشال
تبجي على حسين

ظل عافر بلرمال
يروع حرم وعيال

انكر تفاصيل الفجعة وكل لسهام
ورجعة مهر لحسين ينزف موت وآلام
وهجمة خيول امية تحرق ذيچ لخيام
ولمن تفر بالبر حريم وضبيعة ايتام

انكر غريبة كربلا زينب ولجروح
لكثر الالم جانت تغيب وترجع الروح
ما تبرد الدمعات ابد ما يفتقر النوح
صرخة ألم يحسين آه يحسين مذبوح

وأتمنى لو لحظة بيه الزمن دار
نحري انقطع وأنا أطم على حسين

وحشة و ألم هالدار
وأطم على حسين

و لو ما تمت حسرة ما عندي اعدار
ساعة خروج الروح أطم على حسين

لا اخوة لا انصار
والطم على حسين

چفونوني بهمومي ومصاب لقدار
نزلوني بقبري أطم على حسين

لموذر بالاشفار
والطم على حسين

كل ساعة من عمري تترادف افكار
وارجع لوادي الموت جثة بلوعار

دنية حزن و اكدار
مجروح ليل نهار

ما هو عجب لحسين لو راحت اعمار
خلوني ويا جروحي نشتل نار

ويلي اعلى بو الاحرار
چا وينه حامي الجار

غسلوني باحزاني والمدمع انهار
يحسين يعيونني صوت الجرح ثار

ابچي على المحتار
مثله ابد ما صار

حتى القبر يفجيني لمن انطرح بيه
اذكر حسين ال ما احد يمه ويواريه
وانصب الماتم في القبر لحسين وابچيه
يا ريت بس يا ريت جنت هناك وافديه

ياللي تلقني اذكر حسين وعذابه
واكسر دليلي بحزنة وهموم اغترابه
من اوصل المحشر بخدي دم مصابه
تشفع إليه دموعي عند اهل النجابه

عندي لك احچايه ريّض لبممشاك
ايعرز عليّه اتروح محتمل فراقك

أوقف يخويه حسين زينب أني وياك
الموت أشوفه يلوح من نظر عيناك

بغربة تضيعوني
يا خويه يحسين
ابذبحك يفجعوني
يا خويه يحسين
عدوان يضربوني
يا خويه يحسين

وحدي تخلوني
وبالعيالة تبالوني
مئك يحرمني
بعديك يهضموني
بالبر تتركوني
بالذلة يسبوني

وحدك تظل مفرود حاير ابّواك
ماحد بقي ينصرك وتحوطك اعداك
ما من أحد جا لكلنصرة لبّاك
لبّيك اخويه حسين زينب أنا فداك

هالمحنة شاغلته
يا خويه يحسين
وبصدره حببته
يا خويه يحسين
بيديني قدمته
يا خويه يحسين

چني مني اخته
رايح إلى موته
ابنحره شمّيته
بالوعدة ضمّيته
أنّي المهر جبته
والسرج عدّته

بس امتطى مهره ومشى جت له اسكينه
طار القلب منه ونزل دمع لبعينه
قعدت بحجره تنتحب تبچي حزينة
قالت يبويه ردتك اتردنه المدينه

لحظة وداع وفاجعة حلت عينه
لمّة ونوايح تعتلي نودع ولينه
شويّه يرد خالي المهر عالي حنينه
يصيح الظليمة وبالدماء امخضب جبينه